

Broj: 03-34-51-3/26  
Mostar, 05.03.2026. godine

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
n/r gđa Aida Hadžić-Salkić, sekretarka  
Hamdije Kreševljakovića 3  
71 000 Sarajevo**

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 10-03-2026			
Org. jed.	Broj	Priloga	Vrijednost
05/2	-02-	772	/25

**PREDMET: Inicijativa - odgovor, dostavlja se**

**VEZA: Vaš akt broj: 05/2-02-772/25 od 05.01.2026. godine**

Poštovana,

Federalno ministarstvo obrazovanja i nauke zaprimilo je Vaš akt, broj i datum veze, kojim nam je dostavljena Inicijativa koju je pokrenuo Mladen Simić, delegat u Domu naroda Parlamenta Federacije Bosne i Hercegovine.

Delegat Mladen Simić je pokrenuo Inicijativu za uvođenje procesa kompostiranja u nastavni program sa poticajima, koja glasi:

„Bosna i Hercegovina je zvanično na „vratima EU“ - status kandidata je dobiven, pristupni pregovori su formalno odobreni. U tom smislu se trebamo što prije prilagoditi nivou standarda EU po pitanju okoliša, propisanim Poglavljem 27. životna sredina i klimatske promjene. Okolišni standardi su među najzahtjevnijim. Između ostalog obuhvataju i upravljanje otpadom, obavezu postepene zabrane deponovanja biorazgradivog otpada, ostvarivanje reciklažnih ciljeva, sanacije divljih deponija.

Bosna i Hercegovina je prema državnoj strategiji i akcionom planu za zaštitu okoliša BiH ESAP 2030+ reciklirala 6% komunalnog otpada, podatak Federalni zavod za statistiku 2021. Zemlje EU su 2020 reciklirale ne manje od 50% komunalnog otpada. Svaki stanovnik Bosne i Hercegovine producira 1,1 kg komunalnog otpada, udio organskog otpada iznosi oko 30%.

U cilju što efikasnijeg ostvarivanja dijela ciljeva iz Poglavlja 27. predlažem da Federalno ministarstvo obrazovanja i nauke svojom koordinirajućom i savjetodavnom ulogom animira kantone da u okviru svojih nadležnosti pokrenu aktivnosti kojim će se u nastavni plan i program u okviru predmeta moja okolina za prvi do četvrtog razreda i priroda za nastavni program od petog do devetog razreda osnovnih škola uvesti teoretsko izučavanje kompostiranja organskog otpada.

Ovu aktivnost bi trebalo da podrži Federalno ministarstvo okoliša i turizma, time što bi u okviru dodjele sredstava osnovnim školama iz kantona u kojima je kompostiranje uključeno u nastavni program snosilo troškove nabavke opreme i preparata za praktično provođenje procesa kompostiranja u okviru školskih dvorišta“.

U skladu s navedenim, Inicijativu smo uputili kantonalnim ministarstvima obrazovanja u Federaciji BiH na dalje postupanje, naš akt broj: 03-34-51-1/26 od 09.01.2026. godine, te Urgenciju, naš akt broj 03-34-51-2/26 od 16.02.2026. godine, s molbom da nas o istom izvijeste.

Do sada smo zaprimili odgovore iz četiri kantonalna ministarstva obrazovanja, i to: Ministarstva obrazovanja, nauke, kulture i sporta Unsko-sanskog kantona, broj: 10-19-721-2/26 od 02.02.2026. godine, Ministarstva prosvjete, znanosti, kulture i sporta Posavskog kantona, broj: 06-34-34-2/26 od 26.01.2026. godine, Ministarstva za obrazovanje, nauku, kulturu i sport Zeničko-dobojskog kantona, broj: 10-34-878-1/26 od 15.01.2026. godine, i Ministarstva obrazovanja, nauke, kulture i sporta Hercegovačko-neretvanskog kantona, broj: 02-34-92/26 od 16.01.2026. godine, koje dostavljamo u prilogu ovog akta.

S poštovanjem,



**MINISTRICA**

*Jasna Duraković*  
**prof. dr. Jasna Duraković**

Prilog: kao u tekstu

Dostavljeno:

- Naslovu
- a/a

02.02.2026. g.  
-03 (pride.)  
Junić

Bosna i Hercegovina  
Federacija Bosne i Hercegovine  
HERCEGOVAČKO - NERETVANSKI  
KANTON  
MINISTARSTVO OBRAZOVANJA, NAUKE  
KULTURE I SPORTA



Bosna i Hercegovina  
Federacija Bosne i Hercegovine  
HERCEGOVAČKO - NERETVANSKA  
ŽUPANIJA-KANTON  
MINISTARSTVO PROSVJETE, ZNANOSTI  
KULTURE I ŠPORTA

Mostar, S. Radića 3/III, tel.: +387 (0)36-334-400; fax: +387 (0)36 316-792; www.monkshnk.gov.ba; e-mail: monkshnk@tel.net.ba

Broj: 02-34-92/26  
Mostar, 16.1.2026. godine

FEDERACIJA BOSNE I HERCEGOVINE  
FEDERALNO MINISTARSTVO OBRAZOVANJA I NAUKE

2.2.2026


PRIMLJENO	2.2.2026
ORG. BR.	03-34-51
	/26

**FEDERALNO MINISTARSTVO OBRAZOVANJA I NAUKE  
KRPIĆA 3A, 88000 MOSTAR**

**Predmet:** Inicijativa delegata Mladena Simića  
- odgovor, dostavlja se

Zahvaljujemo na Inicijativi koju je pokrenuo Mladena Simić, delegat u Domu naroda Parlamenta Federacije Bosne i Hercegovine, za uvođenje procesa kompostiranje u nastavni program sa poticajima, te ćemo istu dostaviti Pedagoškom zavodu Mostar i Zavodu za školstvo Mostar, na dalje razmatranje u okviru njihovih nadležnosti.

S poštovanjem,



**Dostavljeno:**  
1. Naslovu,  
2. a/a.

23.01.2026.  
-03 (prid.)  
Junić

Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON



Bosnia and Herzegovina  
Federation of Bosnia and Herzegovina  
ZENICA-DOBOJ CANTON

MINISTARSTVO ZA OBRAZOVANJE,  
NAUKU, KULTURU I SPORT

MINISTRY OF EDUCATION,  
SCIENCE, CULTURE & SPORT

Broj: 10-34-878-1/26  
Zenica, 15.01.2026. godine

Federalno ministarstvo obrazovanja i nauke  
Ulica Krpića 3A  
88 000 Mostar  
n/r ministrice

Bosna i Hercegovina  
FEDERACIJA BOSNE I HERCEGOVINE  
FEDERALNO MINISTARSTVO ZA OBRAZOVANJE,  
NAUKU, KULTURU I SPORT  
23.1.2026  
PRIMARNO  
ORG. 03-34-51-1/26

**Predmet:** Odgovor na inicijativu, dostavlja se

Poštovani,

u vezi s aktom Federalnog ministarstva obrazovanja i nauke, broj: 03-34-51-1/26 na Protokol Kantona zaprimljenog 13.01.2026. godine, putem kojeg je dostavljena inicijativa koju je pokrenuo Mladen Simić, delegat u Domu naroda Parlamenta Federacije Bosne i Hercegovine, a koja se odnosi na „Inicijativu za uvođenje procesa kompostiranja u nastavni program sa poticajima“, Ministarstvo za obrazovanje, nauku, kulturu i sport Zeničko-dobojskog kantona se očituje na sljedeći način:

Ministarstvo za obrazovanje, nauku, kulturu i sport Zeničko-dobojskog kantona je Nastavnim planom i okvirnim programom za osnovnu školu („Službene novine Zeničko-dobojskog kantona“, broj: 11/25) utvrdilo obavezne nastavne sadržaje i odgojno-obrazovne ishode za sve nastavne predmete. U utvrđenim sadržajima i odgojno-obrazovnim ishodima su i sadržaji i odgojno-obrazovni ishodi koji se odnose na ekologiju općenito, ali i konkretno na recikliranje, kompostiranje, biorazgradivi otpad i sl. Navedeni nastavni sadržaji i odgojno-obrazovni ishodi su, prije svega zastupljeni u nastavi moje okoline od prvog do četvrtog razreda, prirode u petom razredu i biologije od šestog do devetog razreda. Također, navedene teme su zastupljene kroz druge srodne nastavne predmete, časove odjeljske zajednice, kao i vannastavne aktivnosti učenika.

Napominjemo da resorno ministarstvo daje saglasnost različitim ekološkim projektima koji se realiziraju putem odgojno-obrazovnih ustanova na području Kantona, a kao rezultat uključivanja iste ostvaruju poticaje u vidu nabavke didaktičko-metodičke i druge potrebne opreme.

Shodno tome, resorno ministarstvo podržava aktivnosti koje imaju za cilj unapređenje ekološke svijesti, između ostalog, i po pitanju okoliša, životne sredine i klimatskih promjena, kako je definisano ciljevima iz Poglavlja 27. standarda EU.

U skladu s gore navedenim, Ministarstvo za obrazovanje, nauku, kulturu i sport Zeničko-dobojskog kantona ne prihvata podnesenu inicijativu „za uvođenje procesa kompostiranja u nastavni program sa poticajima“, jer nastavni sadržaji koji se odnose na proces kompostiranja postoje i primjenjuju se u školama na području Zeničko-dobojskog kantona.

S poštovanjem,

**DOSTAVLJENO:**

1x Naslovu,  
1x a/a, 03

MINISTAR  
*Mirza Mušija*  
Mirza Mušija



30.01.2026. g.  
-03 (pridr.)  
Džević

Bosna i Hercegovina  
Federacija Bosne i Hercegovine  
**ŽUPANIJA POSAVSKA**  
Ministarstvo prosvjete, znanosti,  
kulture i sporta



Bosnia and Herzegovina  
Federation of Bosnia and Herzegovina  
**POSAVINA CANTON**  
Ministry of Education, Science  
Culture and Sports  
FEDERALNO MINISTARSTVO  
OBRAZOVANJA I ZNANOSTI

Broj: 06-34-34-2/26  
Orašje, 26. siječnja 2026. god.

PRIM. JENO:	30.1.2026
ORG. JED.	
03-34-51-1/26	

- Federalno ministarstvo  
obrazovanja i znanosti

**PREDMET:** Očitovanje na inicijativu izaslanika u Domu naroda Federacije Bosne i Hercegovine Mladena Simića, dostavlja se.

Vaš akt broj: 03-34-51-1/26 od 9. siječnja 2026. godine

Izaslanik u Domu naroda Federacije Bosne i Hercegovine Mladen Simić pokrenuo je inicijativu za uvođenje „u nastavni plan i program u okviru predmeta Moja okolina za prvi do četvrtoga razreda i priroda za nastavni program od petog do devetog razreda osnovnih škola teorijsko izučavanje kompostiranja organskog otpada. Ovu aktivnost bi trebalo da podrži Federalno ministarstvo okoliša i turizma, time što bi u okviru dodjele sredstava osnovnim školama iz kantona u kojima je kompostiranje uključeno u nastavni program snosilo troškove nabavke opreme i preparata za praktično provođenje procesa kompostiranja u okviru školskih dvorišta.“

**Odgovor:**

Poštovani,  
prije svega zahvaljujemo Vam na upućenoj inicijativi, smatramo je vrlo korisnom. Analizom novog nastavnog plana i kurikula, koji se postupno uvodi u razrede osnovne škole Županije Posavske, utvrđeno je da se u razrednoj u okviru nastavnog predmeta Priroda i društvo i u predmetnoj nastavi u okviru nastavnih predmeta Priroda planiraju ishodi učenja koji su povezani s izučavanjem kompostiranja organskog otpada.

S obzirom da je obrazovanje u nadležnosti županije/kantona, Ministarstvo prosvjete, znanosti, kulture i sporta Županije Posavske obavijestit će osnovne škole Županije Posavske da ukoliko žele, mogu pokrenuti aktivnosti za uvođenje procesa kompostiranja (teorijsko i praktično) s poticajima, a aktivnost bi trebala biti podržana od strane Federalnog ministarstva okoliša i turizma tako što bi u okviru dodjele sredstava osnovnim školama iz županija u kojima je kompostiranje uključeno u nastavni program/kurikul snosilo troškove nabavke opreme i preparata za praktično provođenje procesa kompostiranja u okviru školskih dvorišta.

S poštovanjem,



MINISTRICA


Ana Andrić, mag. iur.



09.02.2026.  
-03 (priidi)  
Alicia

Broj: 10-19-721-2/26  
Bihać, 02.02.2026. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**Federalno ministarstvo obrazovanja i nauke**  
**Ulica Krpića 3A**  
**88000 Mostar**



**Predmet:** Odgovor na inicijativu, dostavlja se

Poštovani,

Vežano za Vaš akt, broj: 03-34-51-1/26 od 09.01.2026. godine, kojim ste tražili očitovanje na dostavljenu Inicijativu za uvođenje procesa kompostiranja u nastavni proces sa poticajima obavještavamo Vas o sljedećem:

- u kurikulumu za predmet Moja okolina od prvog do četvrtog razreda osnovne škole se, kroz oblasti Higijena i zdravlje i Živa i neživa priroda, prožimaju teme vezane za očuvanje životne sredine, onečišćenje, recikliranje, te se podstiče organizacija dodatnih edukativnih i praktičnih radionica vezanih za ove teme,
- u kurikulumu za predmet Priroda, koji se izučava u petom razredu osnovne škole, se kroz oblast Održivi razvoj obrađuju sadržaji vezani za zagađenje i zaštitu prirode, u okviru koji bi učenici trebali prepoznavati korisne postupke, poput ispravnog tretiranja otpada, recikliranja, kompostiranja, štednja energije, korištenje prirodnog đubriva i slično.

Slijedom navedenog, Ministarstvo je tražilo od osnovnih škola da se očituju o tome da li su zainteresirane za praktično provođenje procesa kompostiranja u njihovim školama uz finansijsku podršku, te je većina škola iskazala zainteresiranost. Pojedine škole su već provodile ovu aktivnost putem projekata koje je finansirala Evropska unija, a kroz postavljanje robota za kompostiranje.

Uzimajući u obzir navedeno, smatramo da postoje realni preduslovi za daljnje unapređenje praktičnih aktivnosti u oblasti zaštite životne sredine kroz uvođenje procesa kompostiranja u nastavni proces.

S poštovanjem,

Akt obradila: Amela Bajrić

PO OVLAŠTENJU MINISTRA  
Azra Sulic, prof.

Pomoćnik ministra Sektora za predškolski i osnovni odgoj i obrazovanje, inkluziju, EU integracije i projekte

Dostavljeno:  
- Naslovu  
- a/a